

木鎮縣志卷之七

知縣張坊 補輯

藝文中

天城奎樓儒學碑記

陽和兵備道 劉汝康 東魯人

按晉天志東壁二星主文章圖書秘府明則王者興
道術著國多君子奎以天下武庫不與樂自宋乾德中五
星聚而開濂洛關閩之學洎茲人士始司南望矣我國家
迅掃氛通興文治廣厲學官以風天下士故疆場之區
橐籥之子操鉛槧而質雉羔者率尸而祝之蓋精所盪也

予奉上命脩兵陽和之五檢孫郡丞以天城儒學奎樓也
建請予應之曰然陽燧取日方燭取月斷蘆揮箒而暈與
風應小之有驗也大而文運獨爽於感召哉矧星奎之散
氣與人相通呂氏曰固太平之像而實啟斯文之奎兆也
郡丞其竣事毋終逾若時而條議黎然逾若時而經營錯
然逾若時而木石巍然楹壯麓焉其地在學矣隅其制四
面通衢而甃臺其上臺上重樓歸起奎則儼然居其中焉
嗚呼奎杓之象翼彼宮牆古先見矣文在茲矣顧前日之
因循孰使之窳今日之規創孰使之殷勤是必情有機緘

嘿鼓而不能自己者也邱文莊謂人文將著于下天文預
昭於上茲樓之建其天人符應之徵乎凡所以慰祖宗作
士之心啓國家文明之運表章地靈而濬發人傑又寧有
涯也異日士子斧藻其身心彪炳其德業如濂洛關閩其
人應運而出以佐我昭代純熙之治庶不虛今日鳩材之
勞予輩肇造之舉浸假而天飛風負第瑟瑟以青紫從事
不朽之業反望而却走方之乾德所謂畫龍而非真龍矣
以此應奎之兆不旣薄哉昔人言長材大器多產西北予
幸樓之成且願諸士以乾德之需應自勗也故惓惓言是

役也予捐貲無幾郡丞捐貲以百計士庶人捐貲以千計
工始於萬歷三十二年三月落成於萬歷三十四年四月
有事者例礪之碑陰云

重修玉皇閣碑記

李大綸

天城舊有玉皇閣舁於正統之初焚于嘉靖季年洎至隆
慶庚午鼎新則上谷馬公舉也迄今三易紀候賢者得毋
更新思歎會雲中李公諱高二鎮東路營職之暇思及修
繕百神寺宇于萬歷乙巳歲重修是閣及迤南鐘樓乃偕
本城守戎古晉孫公諱思烈併文武仕宦諸色人等捐貲

集力鳩衆僦工志復前人輪奐其中層繪像址級增崇砌以瓦石益以木棚舊時所未有也工凡三閱月而告成視昔且加詳焉令人環而指之曰此閣之重新若是實不知其誰之力也用力少而成功多公之敏幹精純大都類是贊其事而與有力者千戶孫福商賈武進智等事竣立石以著不朽予據實以書如此公命之也謹記

萬歷三十三年歲次乙巳季秋吉旦立石

誥授驃騎將軍雲中右叅將都指揮僉事韶菴于公

墓誌銘

左都御史

溫

純

三原人

昔李廣數奇不候及其卒識與不識皆為流涕太史公謂桃李不言下自成蹊及傳大將軍青則以為天幸而功烈不與蓋論人者惟材品之何如若得失輕重成就淺深不以入藻隲也近世雲塞豪傑跨州連郡握符專土莫不自以為雄奇至論長材偉人必以三雲于公為稱首聞其歿噫嗚咄喑悼惜不已蓋公以將門嗣業而為一方之侯伯不為不偶剔歷楊麻之遇接踵不為不榮第其有廓清天步之畧而未賜以鈇鉞有弼成至治之器而不被以公衮有處劇弭煩之智而僅僅於簿試有裕國阜民之術而不

踐於機衡有幹旋造化之手而不典於轂樞可以表則之
世冠冕諸侯而不羽儀於朝廷之上所以有識之士重漢
恨於英賢也公諱鳳儀號韶菴浙之湖州人始祖聰以開
國功遂有天城戶侯至是而代有國士曾大父縉大父鑑
以摧陣死王事廼晉萬戶侯先德先閥流風遺範殆如此
父堯未襲而歿後以公之貴贈武德將軍母朱氏贈宜人
公生四歲而孤母氏鞠之貌豐神異魁出輩行李父舜撫
而器之曰吾之有姪如晉安之有元愧吾不能當安耳稍
長知讀書卓犖山立沉學書射擅名草書萬歷初握綰衛

符衛俗傾軋啖噬公制事約法民得安堵兵食足餘而守
有功辛巳以清文當賈公中丞意於是遂有聚落之命斯
地也衝脊最焉公行首備事爰繕亭障起廢興額資糧日
富士馬日盛春施秋殺並著恩威乙酉撫臺胡公薦領中
軍事務諸軍表正為憲一邦卽罷吏朋民牙角嚙獠而公
之譽聞不殞如是者三年是為戊子誕膺簡命分鎮大同
西路平 等處有城數十有地百里勝兵迄萬戶不啻億
西盡恒山之尾微出林胡左轉威恒之口東包羊谷南控
冀野北制沙漠橫隘三雲右脊之塞公當其任政化修明

振刷之舉因與委靡者相左故雖人生有賴駸駸治平而
神武之冠亦於此時掛矣嫗仰林泉厚遇名士由是冠佩
藹然有平原稷下之盛公且思致周洽經史洞然閭閻條
析聳聽上下朝廷方欲詔起稽山而公乃得疾會逝時萬
歷甲辰閏九月二十二日也距生嘉靖二十二年十二月
二十三日享年六十有二乙巳冬十月二日葬於城南原
娶武德將軍任公女未嗣娶閭氏生子二長良貴補衛庠
弟子員食廩於公家娶故驃騎將軍羅公孫女孫男一振
基甫七歲孫女一未歲俱婦王氏出次良弼幼殤女二一

適懷安衛指揮劉龍化一通本衛千戶渠佳廐李父舜息
諱翔儀者任延綏遊擊將軍世家風采驟可想見公生平
喜為學促子就予執執七年郁為國華予方愛其才而遠
望之胡天下弔公且以儉祿報矣不幾而阿子以誌銘請
矣予雖不能文相信有目予將何辭嗚呼公在州里則庇
護惟謹而為賢衛帥任當孔道凋瘵以寧則為循良守收
斥塞宇濟之以德則為雄叅軍樂賢下士為善不倦則為
名士夫就義棄利不貪寵榮有古之遺真德澤在人益久
益深有古之遺愛余即千百言烏能罄其萬一銘曰嗟嗟

賢侯萬夫之特巍巍堂堂為世而出甦救濡焦如槁斯植
髮櫛苗薈去其螟螣濯人以浹旬之雨膏人以三春之露
動人以凱樂之風晞人以陽和之日不有君子其何能國
曹子臧之守節孔文舉之好士卓侯恬靜之化寇君愛利
之賢嗟嗟于公乃見古昔止於叅軍莫不痛惜邱山巖巖
豐碑抑抑大書特書萬代是式不朽惟德不在茲石

天仙遺跡記

周 祐

郡東南十里其峯環向聯絡名曰盆山中有古剎不知建
自何代僅存遺址宣德二年冬有馮姓者樵于斯見衣紅

綠黃三人手采神異坐而奕馮傍觀一人曰爾速去不可
久留曾不聞爛柯事乎歸卽報爾郡守此處可多建祠宇
為諸仙遊息地馮諾歸而報郡守守速至遙望三人乘鶴
騎鹿走山巔一時感動郡守暨合境士庶罔不捐貲共贊
其事而告成則宣德三年九月也嗚呼昔云山不在高有
仙則名斯山其有名也千巖生色萬壑爭輝遂為冀北名
山若夫日落晚霞岩前噴玉惡足為輕重自是騷人墨客
四時咏賞乃為一郡奇觀予少潛修此山故得考覈殘碣
延訪父老悉其顛末而謀刻諸石俾後來觀者知遺跡之

自而顯化之所由名也故為記以垂不朽云

萬歷三十四年歲次丙午春三月立

奉政大夫周先生鄉賢祀記

趙之璧

慨自世衰道喪習俗成風人心聖學久相迷謬間有學為聖人者輒群然非笑詆毀而奇之不知庸德之行為聖人而以聖學為奇皆庸人囿於習而不察也吾鄉周先生秉性端方正直廉靜忠誠毅然以聖賢為可為無奇行也顧先生端方不倚而詭隨者以為奇先生正直無私而邪媚者以為奇先生廉靜自守而貪污紛逐者以為奇先生忠

誠盟心而欺罔奸回者以為奇先生道聖賢言行聖賢事而淪胥墮落者以為奇孰知夫先生率性之常而人之奇先生者祇自為奇而不察於心耳迨先生正寢終於丙午歲之秋而人人驚悼如有所喪是人心奇矣迨直指使喬公按臨存問先生問之父老父老曰賢問之師儒師儒曰賢騰踴上先生德狀而請祀焉是人心又奇矣迨署道樊公郡守高公郡丞孫公遵行會議奉皇帝制歲歲春秋以血食享先生服其嗣永命奉祀學宮未幾而叅將李公屬中軍文炳飭祠於櫺星門之右屬兩衛掌印指揮星曙指

揮炳等禮請先生神主入祀於丁未年之秋祀之日鄉官
士夫父老子弟鱗次畢集而歡祝拜奠焉是人心更奇矣
噫嘻人人有哀善揚善好善之心則本心皆善可自反而
自察者又胡為乎奇先生哉或者曰先生之遇奇噫嘻先
生道宗孔孟理貫程朱文駕蘇柳宜乎中制科登鼎甲柱
石廟堂奠安宗社垂建伊周事業不朽竟不遇而僅繇歲
薦出身兩贊府事雖所歷政清民悅天下稱治行第一實
未盡展生平志抱則先生之遇何足為先生奇哉或者曰
先生祀所遇之人奇噫嘻先生判河南嘗監礦督稅而裁

費派革賄例面斥老璫力抗中貴矣當是時若輩銜天子
命梟嚇臺司蠅毒州郡恣所欲為有何忌憚竟折服于先
生之清節而歛翼吞氣不敢肆害但見小人遇先生者自
奇耳今先生所遇吾道中人又何足為先生奇哉或者又
曰先生祀誠無可訾第先生律已責人太直太方似無容
物之量恐不能入聖人之域噫嘻先生處鄉聲色不適富
貴不縉寡交寡和偶與未同之人一揖一言艷然面亦有
非友不友望望然去冠不正之風先生當覲上伏闕泣諫
一疏以引裾折檻碎首玉階為已任而朝紳為之增氣閣

宦孟以屏息凜然有真鐵漢之風夫直方者不以其故貶
聖茲何足為先生病哉易贊聖學曰直方大又曰直其正
方其義直內方外而德不孤直方何病直方然後見君子
衆唯唯喜曰先生之風足以廉頑起懦吾子之言足以闡
幽礪俗先生祀矣而未諡吾濟不忍襲稱先生號盍以直
方號先生而立石焉噫嘻諡非吾儕所敢私也古者賢士
沒人心慕德不忘則易號今吾鄉本心皆善而有慕德之
心庶幾不負明天子崇德之典賢執政勸善之規壁雖不
敏敢不紀其事哉先生諱祉字汝縈號錫庵今題于石之